

春明勝蹟百咏

春明勝蹟百詠序



3 2497 8208 1

春明名勝古蹟稽諸最新出版北平指南在城在郊者計有百數十處之多洵遨遊之佳境也溯自光緒辛丑初次來遊內城紫禁中梗前門甕城未除道路崎嶇交通不便四時士大夫所遊賞者厥維法源寺之丁香崇效寺之牡丹什剎海之芰荷陶然亭之蘆荻已耳迨至民五重事北遊宮禁開放道塗整修頤和萬牲園遊售券西山香山別墅旅館星羅棋布土木大興乃以道阻且長遊費不貲非平民所得共樂者也去夏又來北避暑頤和園西山香山玉泉諸勝始得遍遊

MG
1226
692

離宮別館遺蹟猶存禾黍離離見之興感燕郊公路近告完
成汽車接踵遊人稱便往來道上者歲不下十數萬人矣考
其所列之遊程則爲宮禁也壇廟也與萬壽玉泉西山香山
諸名勝也其他城郊之古蹟則不及矣而我之遊踪所至者
亦猶是也昔人云紀遊不可無詩去秋因將頤和名勝百詠
排印小冊以饗同志茲就所覽宮禁壇廟城郊各勝暨西山
八大處香山靜宜園二十八景玉泉山靜明園十六景續詠
百篇以紀其實而作遊燕與未遊者披覽之貢獻工拙非所
計云民國廿四年秋吳縣寓形袁藻屢識於頤和園澄懷閣

春明勝蹟百詠

宮禁 二十六首

紫禁城

城周六里午門居內外曰天安左爲東華右爲西華後爲神武中爲端門

紫禁城垣周六里午門居內外天安東華在左西華右後曰神武中曰端

宮門

宮門正爲太和中爲乾清後爲順貞承光左右爲集福延和熙和協和文華武英各門

順貞承光門在後正爲太和中乾清集福三和延熙協左右文華與武英

太和殿

殿廣各十一間龍蟠三重丹陛五階以白石爲之歷朝皇帝登極之正殿也俗稱金鑾殿

楹方十一太和殿墀陞重重白石欄皇帝歷朝登極御俗稱卽此是金鑾

中和殿

深廣各五楹在太和殿後康梁變法光緒帝於此被捕幽禁

中和殿在太和後深廣五楹金頂圓法變康梁成政變德宗被捕記當年

保和殿

凡九楹爲帝宴外藩及朝考新進士之所

殿宴外藩在保和掄才朝考重開科臨時矮桌分排列恩出天家取士多

文華殿

前後合計共七楹皇帝春秋御講筵諸臣跪聽畢賜茶於殿內

七楹前後文華殿皇上春秋御講筵供職諸臣皆跪聽賜茶
列坐旨傳宣

武英殿

式啓文華殿清末葉燬於火刊
版藏書同歸一炬旋重修復

武英殿式若文華清末曾經燬火鴉刊版藏書同一炬重修
舊制復天家

傳心殿

在文華殿東爲祀先聖之所月朔太常
寺堂官拈香筵經之日大學士祭告

傳心殿在文華東至聖先師祀事崇帝遇經筵御講日堂官
循例祭其中

浴德堂

爲香妃沐浴之所建築仿土耳其
式內懸香妃戎裝便裝兩繪像

浴室題名浴德堂帝王豔事愛妃香土耳其式當年築像繪戎裝並便裝

寶蘊樓

在浴德堂西卽咸安宮舊址古物之珍者悉戾其中

浴德堂西寶蘊樓咸安宮址近新修宮存古物多珍品庫度其中盡擇尤

南薰殿

爲尊藏歷代帝后聖賢名臣圖像之所

崔巍殿額號南薰像列聖賢歷代君內府尊藏重古物得教後世仰清芬

乾清宮

在保和殿後幾經火災重事葺復康熙乾隆開千叟宴於中內廷重典亦於此舉行

保和殿后乾清宮大殿歷經遭祝融兩度恩開千叟宴內廷
重典舉於中

寧壽宮

爲太上皇歸政養尊之所乾隆曾居
之後慈禧亦居之慈寧宮則舍諸也

歸政養尊寧壽宮當年謙翹始乾隆後來慈禧常居此舍卻
慈寧殿盡空

御花園

在承光門內建築工精有連理古
柏兩株及太平花一株最爲寶貴

承光門內御花園連理雙雙古栢存殿閣星羅碁布密御題
詩句鐫崑崙

西花園

毀於民十二年歷代古物都存於此惜
遭焚如今除石洞外建築物均無存矣

西花園裏永災時古物歷來藏度斯悉付焚如太可惜原因
起火卻難知

慈寧花園

園中殿閣滿供佛
像在慈寧宮南

花園尊號曰慈寧供佛萬千具怪形寶相若雲樓對峙中央
跨水臨溪亭

故宮博物院

故宮參觀分作三路天府
奇珍及其用品分陳各室

故都宮禁作公開三路參觀各一回眼福飽看天府富吾生
當是命應該

午門博物館

在午門上陳列各物
新舊共二十餘萬件

博物暢觀上午門看花走馬眼爲昏古今歷史詳標識陳列
類分品實繁

珍妃井

在寧壽宮後門庚子慈禧出走時推珍妃墜井死後其姊端康妃爲書貞筠勁草匾額以彰之

井中慘死誌珍妃慈禧當年慣作非勁草貞筠褒不愧後人
憑弔作獻款

斷虹橋

在武英殿東石欄雕鏤弄扁形相傳皇后經過時蒙以黃套

環繞御河橋斷虹欄杆雕琢石猴工相傳皇后經其處勢不
雅觀黃套蒙

中海

中海夏日設游泳池售參觀券其中萬善殿及旁屋定價出租

中海夏開游泳池儘人買票入觀之其中萬善殿新葺租住
宜於避暑時

南海

南門爲新華門昔爲總統府其中瀛
臺建築最稱精緻荷花亦最繁盛

南海荷花萬頃榮瀛臺建築厥工精臨時總統深居此門闢
新華帝制更

北海

有瓊島瑤池白塔琳宮小西天萬佛樓五
龍亭九龍壁之勝昔爲禁地今作公園

白塔山懸北海中長橋臥水利交通五龍亭子九龍壁昔日
宸遊今爲公

團城

在北海濱曹錕曾被禁於中所供玉
佛爲無上寶殿宇建築爲穹窿形

團城一度禁曹錕玉佛無雙稱貴尊金殿穹窿牖旋轉大圓
寶鏡匾猶存

瀛臺

在南海中建築極佳光
緒幽禁於中又曰南臺

瀛臺又號日南臺建築工良心巧裁昔爲德宗幽禁地於今
民眾得徘徊

景山

在故宮後門山巔五亭修葺一新
東坡爲明思宗殉國處其樹猶存

景山貼近後宮門巔列五亭麓繞垣昔日思宗殉國處東坡
其樹尙生存

城郊 二十二首

天壇

在城南天橋東南爲明永樂所建清乾隆重修每年冬至郊祭於此行之

天壇位置天橋東築自前明制度宏郊祭典行冬至日禮儀隆重歷朝同

地壇

在安定門外方丘北向二成舊制每年夏至祀后土於此

增近北郊建地壇方丘北向二成寬當年后土祀於此御駕親臨率百官

日壇

在朝陽門外制方西向一成舊制每年春分祀太陽於此

日壇地出朝陽門外闢市場周築垣舊禮春分太陽祀制方西向蹟猶存

月壇

在阜成門外制方東向一成舊制每年秋分祀夜明及二十八宿五星於此

月壇地位在西郊祀在秋分節氣交致祭夜明廿八宿於今垣內蔓生茅

社稷壇

在午門西制方石階三成土色中爲黃四周爲紅白藍黑

社稷壇居午門西四方五色三成低門前習禮亭仍在堂額中山名改題

先農壇

在天壇西舊制每年三月中於此躬耕教稼

壇壇祀典重先農教稼君親臣下從雩祭早隨帝制罷觀耕臺畔綠陰濃

太廟

在午門東供奉列聖功臣建於明代前殿清代重修舊制每年四孟及歲暮大祫均需祭告

巍巍太廟午門東
廡殿輝煌帝制崇
列聖功臣同供奉
歲時告祭禮儀隆

歷代帝王廟

建於明代祀歷代帝王功臣其無道及亡國被弑之君屏而不納

歷代帝王廟至尊功臣祀表
皇恩前明叛建清修葺無道
之君屏勿論

孔廟

在國子監東有周代禮器陳設殿中民軍北伐時幾被摧澁今又煥然矣

歷代重文孔廟尊周朝禮器殿中存民軍北伐幾摧毀祀典
重新告復原

雍和宮

殿若皇宮佛像半屬金質
廟內聯匾大都乾隆御製

雍和宮殿若皇宮佛像極多質半銅廟內碑聯都御製煌煌
文字鐫乾隆

碧雲寺

在香港附近孫總理
遺銅棺仍在廟內

中山初殮製銅棺古寺碧雲暫奉安陵築金陵南下葬佛堂
遺櫬得參觀

臥佛寺

建於元代臥佛身長二丈當時用五十萬
斤銅製成前年修飾費千餘工亦云鉅矣

寺中佛自元朝臥二丈身長質爲銅重量斤逾五十萬前年
修飾費千工

陶然亭

昔爲觴詠勝地今則荒涼
寂寞祇存蕭蕭蘆荻而已

陶然亭上作觀遊四面蕭蕭蘆荻秋觴詠盛前今已矣昔賢
題句壁無留

天然博物院

原爲御花園仿鄉村式建築意瀟光緒常
幸宿於中全院甚廣植物之外並畜動物

天然博物院御花園堂築幽風式半村昔日宸遊常駐蹕暢觀
樓上榻猶存

中山公園

初名中央族加修葺增建石
坊長廊氣象一新改曰中山

中央園額易中山設置內容改一斑白石建坊紀戰勝長廊
曲折繞如環

城南公園

卽先農壇開闢民初盛極一時今則茶寮酒館盡歇開矣

先農壇地闢公園熱鬧當時作一番此日城南不景氣茶寮酒館閑無存

市民公園

就地壇開闢偏於北郊遊客甚稀

規定公園曰市民當然足蹟乏官紳地壇建築可觀少遊覽固難引貴人

圓明園故址

其址今併入清華大學遺蹟尙有頽垣石刻可觀

圓明美勝頤和園一炬可憐石刻存見景情生今昔感無邊蔓草露頽垣

天橋

爲平民娛樂場所大鼓書場最多昔有跑馬場今已消滅矣

平民娛樂在天橋遊者如雲日夜囂昔日馬場今湮沒其間
鼓妓著多姣

高亮橋

在西直門外跨長河兩岸垂楊夏有游船爲平民游樂之所

橋名高亮跨長河兩岸垂楊水戲鵝此是平民遊樂地漁歌
唱罷唱秧歌

什刹海

在地安門外毗連北海夏日荷花甚盛隄上有臨時茶棚遊人屬集

荷葉田田什刹海花開夏日引人游臨時堤上茶棚設嫩藕
鮮菱供客求

未湖明

在燕京校內風景清幽學生
拖屍於此舉行未免惡俗

燕京校畔未明湖水木清華景足娛可惜莘莘都俗子拖屍
於此作歡呼

西山八大處

八首

長安寺

在山麓明弘治建清康熙重修殿廊懸萬
歷御製鐘庭中白皮松二株爲元時物

西山古寺額長安庭有白松雙可觀萬歷御鐘懸殿上重修
碑石勒宸翰

靈光寺

庚子年寺燬於洋兵僧聖安募捐重修勝
冠八大刹池有金魚甚多傳爲道光時物

靈光寺又號重興毀被洋兵建復僧地勝超於八大刹金魚

活潑沼清激

三山庵

佔蓮徽處師平溪三山之勝北有山澗石壑水聲潺潺左顧右盼足以騁懷

古庵勝景佔三山圖畫天然妙境環到此胸襟人盡豁騁懷
耳聽水潺潺

大悲寺

原名隱寂寺綠竹滿院古木參天兩澗橫流風景幽勝

大悲寺建在山腰綠竹漪漪古木喬兩澗橫流境幽絕遊人
消夏借僧寮

龍王堂

又名龍泉寺泉道曲折寺中水一池分上中下三潭寺後有臥游閣可資眺遠

龍王堂卽龍泉寺日蔽長松水一池鏜沓泉聲妙可聽臥遊

閣後景尤宜

香界寺

規模宏大大佛像甚多建自唐代乾隆重修東有行宮所存鐘鼎均爲古物

西山寺巨推香界東築行宮帝制崇佛殿鼎鐘唐代製重修奉勅在乾隆

寶珠洞

清初桂芳和尚在洞梵修坐化後卽以肉身供奉庚子年爲洋兵毀滅

山洞幽深曰寶珠桂芳和尚此跡跡洋兵苟免作摧毀今日猶存不壞軀

秘魔崖

崖石狀如獅子開口上題天然幽谷四字入其中見危石著壁不敢久居當年盧師昇於石室

崖曰秘魔口若獅當年石室晏盧師天然幽谷遊人集身入

其中似可危

玉泉山靜明園十六景

十六首

裂帛湖光

湖在小東門內含輝堂南中露圓石傳爲鎮海眼塔頂不可濬掘湖上波光今爲草蔽矣

玉泉諸景足清娛第一推尊裂帛湖鎮海石圓曾濬掘波光
草蔽久矣無

翠雲嘉蔭

此爲華滋館宮門額松栝環繞內殿工程華貴爲全園冠

翠雲嘉蔭額宮門殿後陰濃二栝存在昔高宗常駐蹕工程
華貴冠全園

玉泉趵突

原名玉泉垂虹清高宗因非瀑布改爲趵突并題爲天下第一泉同治間天旱將泉口開大

玉泉在昔日垂虹其水實非瀑布同清帝更名書鈞突曾經
天旱口開通

雲外鐘聲

在山之陽殿名妙香室高宗有御製詩碑左近有資生羅漢華嚴等洞

雲外鐘聲室妙香三楹佛殿在山陽資生羅漢華嚴洞昔日
重修今又荒

玉峰塔影

塔在山巔仿金山制七級八方層置銅佛庚子之劫悉被洋兵竊去

玉峰塔影肖金山七級八方名著寰銅佛自經庚子劫完全
竊去被夷蠻

峽雪琴音

在玉峰塔北殿後有池泉從石罅出殿之簷額一曰清吟一曰麗矚其泉今已涸

峽雪琴音殿有池清吟麗囑並於斯泉從崖隙長流出其涸
至今歷久時

竹爐山房

在釣突泉南高宗常臨幸仿惠山
聽松庵建築並置竹爐以煎茶

竹爐製雅築山房當日高宗臨幸常屋仿聽松庵結構棕毛
上覆不雕梁

芙蓉晴照

在瀾心洲渚上前有
牌坊二今爲廢基

芙蓉晴照在湖心洲島清幽暑不侵昔日玉坊金碧殿廢基
今賸水之濱

廓然大公

在南宮門內高宗親政於此
後臨瀾曰虹濟額曰涵萬象

殿額廓然曰大公當年聽政御高宗後臨湖水名虹渚萬象包涵宸洽衷

聖因綜繪

在真武廟前山西北聖因寺行宮入景而建有水坡關今已圯矣

聖因綜繪肖西湖御駕常臨作樂娛水榭山亭今廢盡城關石刻并全無

繡壁詩態

在聖因西其間崖石鑿詩別有題趣勒字甚多今已埋沒

詩態緣何云繡壁標題意取杜陵詩其間崖石都嶢嶢題字多多在昔時

溪田課耕

課耕所在繡壁山下溪田甚多爲高宗觀稼處

玉泉山下闢溪田景若江南別有天南向依巒建敞殿高宗
教稼重當年

清涼禪窟

在西麓式仿文殊寺有霞起樓
犁雲亭靜緣書屋今遺殘楹

清涼禪窟在園西寺肖文殊御筆題霞起犁雲亭榭美靜緣
書屋枕山谿

採香雲徑

徑爲磴道盤紆上越山巔達靜
怡書屋招鶴亭峽雪琴音等處

採香雲徑越山巔石磴層層步幾千書屋靜怡遺舊址北亭
招鶴葺當年

風篁清聽

在東北隅地多修竹南接飛
雲峴東爲擷翠樓試墨泉

風篁清聽額題樓修竹壓簷勝絕幽南接飛雲東擷翠流泉
試墨出溪頭

鏡影涵虛

在風篁西南前臨水後依山室額曰弄珠後有岩洞

鏡影涵虛室弄珠面臨碧水背山嵎後崖一洞崕呀曲其地
尋幽今昔殊

香山靜宜園二十八景

二十八首

勤政殿

爲高宗聽政處今改作靜宜女校

行宮殿額題勤政表示賢君能愛民昔日高宗常御幸於今
設校屬私人

麗矚樓

在慈幼館中極爲高聳
今改爲香山慈幼院

橫秀館中麗矚樓目窮千里愜宸遊於今設院爲慈幼是處
完全重改修

綠雲舫

在麗矚樓南仿避暑山莊之雲
帆月舫式今重修爲圖書館

高軒題額綠雲舫制取熱河避暑莊其室重修形稍異圖書
萬卷此中藏

虛朗齋

建於康熙時前有曲水御題瀾
碧溪清今改香山慈幼院女校

齋營虛朗帝康熙前琢流觴曲水池澗碧溪清題御筆香山
女校設於斯

瓔珞巖

巖間有飛瀑古松奇柏皆爲勝
處今則蔓草荒烟無復前景矣

瓔珞巖間瀑布懸水花珠濺聲泠然古松奇柏雲深處蔓草

荒烟景易前

翠微亭

在瓔珞巖東南地多喬柯秋
冬木落觀之極似雲林畫本

翠微亭畔多喬木葉落寒冬樹石枯觀去天然成畫本完全

一幅雲林圖

青未了

在翠微亭東北巒嶂之銘上有亭曰
看雲是取杜詩齊魯青未了之意也

巒嶂重重青未了杜陵詩意取標題山頭亭小看雲起塔影
鐘聲夕照西

馴鹿坡

在翠微亭西衆鹿甚多清光緒庚子年爲避難民人獵食而盡今改爲花園

坡名馴鹿在巖西在野食苹入園栖不幸慘遭殘獵盡呦呦聲絕草萋萋

蟾蜍峰

在雙清之上形似蟾蜍故名是處原名香爐岡以其若匡廬香爐也

蟾蜍峰石似蟾蜍顏額煌煌御筆書初曰香爐有取意時嘯雲霧類匡廬

棲雲樓

在松塢雲莊爲是園最初建築者卽今雙清別墅昔以竹勝

棲雲樓峻在松塢經始是園建築初別墅雙清其舊址萬竿修竹早蕭疎

香山寺

昔名甘露寺高宗改
今名今爲甘露旅館

香山寺昔名甘露額字高宗御易書禪窟清涼宜避暑改營

旅館客安居

知樂濠

在香山寺前其池形方上架石橋池中
畜魚取莊子濠上觀魚之意以名之

濠名知樂玉爲橋其上觀魚興更饒源出雙清清澈底金鱗
可數幾多條

聽法松

在香山寺內原有
娑羅樹一株今無

佛寺名傳聽法松煌煌御筆出高宗山門昔植娑羅樹勝景
今探盡失踪

來青軒

在海棠院其名爲明神宗御題內簷有清高宗題普照乾坤額今爲旅館修葺一新

來青軒在海棠院明代神宗御筆題普照乾坤清帝額今修旅館客群栖

唳霜皋

在香山寺後昔畜鶴亭外有白骨松十數株

山亭顏曰唳霜皋意取逋仙隱逸高北地不宜梅樹植萬松深處鶴翔翺

香巖室

在洪光寺內建於明成化時左爲太虛室遺基今爲鮑氏築廬

香巖室建明成化寺屬洪光左太虛其境敞高可遠眺遺基今築簡人廬

霞標磴

山間磴道十八盤上達拱光寺長松夾道濃蔭蔽日其取名用赤城霞起以建標句意

山間磴道榜霞標曲折盤旋十八遙夾徑長松蔭蔽日不知

天午暑全消

玉乳泉

在霞標磴北山腹間泉從石罅出隨其高下鑿三沼以通之高崇嘗於此品泉並題仙掌二字於石

玉乳泉從石罅流高低三沼作龍湫君王品茗常臨幸仙掌

御題鐫石頭

絢秋林

在玉乳泉西喬木叢雜入秋則丹楓翠松鬱若蜀錦故名

斜照霜林景燦如楓丹松翠間森筵斑連豔若蜀中錦顏以絢秋名不虛

雨香館

在絢秋林南白板數椽屏絕
皇家華貴制作山居幽勝

雨香館接絢秋林白板數椽塵不侵屏絕皇家華貴制山居
閑暇愜宸心

森玉笏

在雨香館西北峯石屹立十餘仞
磨崖御書森玉笏三字幽致天然

峰石屹然森玉笏御書三字勒摩崖雲根山骨苔痕綠幽致
天然日夕佳

晞陽阿

在森玉笏西北是處有朝陽洞君王於此禱雨洞內
有龍王像鑄御製詩其顏取晞陽汝髮兮陽之阿句意

巨石砢然立若厂額題字曰晞陽阿君王禱雨每於此洞塑
龍王詩見哦

香霧窟

在朝陽洞西北其室最高高宗每於重陽登此品茗賦詩

靜室標題香霧窟香山院落最居高帝皇重九常登此品茗
竹爐詩興豪

棲月崖

在香霧窟東高宗常賞月於斯今改爲李氏寄廬

亭額高懸棲月崖翼然彷彿在天街良宵清帝常遊幸雲闕
當前景夕佳

重翠崦

在梯雲山館下軒下有泉達於重巒複岡之間故名重翠

重翠崦居巒岫間渾疑仙境非塵寰有泉清冽流穿石山館
梯雲不可攀

隔雲鐘

在重靈鐘東其地可聽
大覺生寺華嚴鐘聲

小亭題字隔雲鐘重翠周圍萬樹松大覺華嚴兩古剎蒲牢
聲遠度高峯

芙蓉坪

在隔雲鐘南樓前有池四周崖石亭亭植
立觀之若青蓮故名今改建周氏別墅

岑樓額曰芙蓉坪前有池泉流作鳴崖石亭亭供賞覽蓮花
朶朶若天成

玉華岫

在玉華寺南出泉灌桂花能茂盛有
娑羅樹一株今改爲上海劉氏山莊

玉華岫出玉華泉樹植娑羅傳有仙泉灌桂花花茂盛當時
韻事記詩篇

